



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 76. Guilielmi Principis Fürstenbergii raptus.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

harum ditionum Præsules vehementer se huic novitati opponere, in leque gravis contentio inter summum Pontificem & Regem, imo inter ipsos Franciæ Præsules exorta est, ut in progressu hujus Historiæ recenserebimus.

Sæc. XVII.
A.C. 1673.

§. LXXVI.

Guilielmi Principis Fürstenbergii raptus.

Interim belli flammæ ex Belgio sese ultra Rhenum extendere cæperant eo tempore, quo Coloniae, urgente Suecorum Rege de pace, aut saltem belli induciis agebatur; postquam enim in Ratisbonensibus comitiis Imperii Principes Ludovico XIV. Galliarum Regi tanquam alienarum ditionum in-valorum bellum jurato fœdere indixerant, hic ex Lotharingia armis depressa in Alsatiam erumpens, plures civitates Imperiales subegit, captaque Trevirensi urbe Turrenium Franciæ Marefcallum in Franconiam præmisit, ut Cæsaris copias in opem accurrentes aut funde- ret, aut saltem moraretur: Verum Montecuculus Cæsaris Archistrategus Turrenium insigni stratagemate delusit, Gallosque ad Herbipolin intercepta annona, tam arcte pressit, ut mo- tis castris non sine clade citra Rhe- num

Wagner hist. Leov. l. 4. p. 330. Mem. Hist. Amelot t. 2. pag. 454. Mont Mem. polit. t. 3.

Tt 3

Sæc. XVII num regredi cogerentur, eorumque ali-
 A.C. 1673. quot millia in sylva Ottoniana ab Her-
 bipolensibus rusticis trucidarentur: in-
 de factum, ut quamvis Elector Bran-
 deburgicus seorsim cum Gallis pacem
 iniisset, nihilominus plures Imperii Prin-
 cipes, qui antea Gallis favebant, ad
 Cæsaris partes redirent, & Montecu-
 culus Principi Auriaco junctus, Bo-
 nam urbem, ex qua Colonienfis Elector
 ad Monasterium S. Pantaleonis au-
 gerat, expugnaret, Gallosque ex uni-
 versa præfati Electoris ditione expelle-
 ret: Infaustus hic belli successus, nec
 non bellicus Hispani Regis apparatus
 Ludovicum Franciæ Regem suis fru-
 deratis destitutum eo adegit, ut non
 jam aliena acquirere, sed sua servare
 sollicitus, retentis duntaxat Trajecto
 & Gravia, totum Belgium evacuaret:
 & Angliæ Rex post triplex, ancepsque
 navale prælium pariter suorum Proce-
 rum potius jussu quam consilio, cum
 Batavis pacem iniret. Hæc tamen
 morum prosperitas Cæsarem adeo non
 ab ineundæ pacis consiliis avertit,
 ut potius varias condiciones Colonia
 per suos Ministros proponi curaret:
 Affulserat haud vana reddendæ con-
 diæ spes, quam tamen Guilielmus
 Fürstenbergius, Gallis plus æquo ab-
 dictus, etsi ejus familiæ Heigelbergi-

Sæc. XVII.
A. C. 1673.

sem lineam Cæsar ante sexennium ad Principum dignitatem evexisset, dum evertere totis viribus nitebatur; quippe Germanos Principes a Cæsare alienare intentus, auroque Gallico corruptus, Electorem Coloniensem, ut suas arces Ludovico Regi cederet, non modo inducere nitebatur, sed etiam Principum Legatos ad pacem conciliandam congregatos ad arma in Gallorum hostes convertenda sollicitabat: Ejusmodi machinationum haud ignarus erat Cæsar, quocirca Marchioni de Grana in mandatis dedit, ut hunc Principem noxium pacis obicem, Colonia Viennam captum clam abduceret. Paruit jussis Marchio, ac die vigesima sexta Februarii Fürstenbergium, cum e Marcanæ Comitissæ ædibus ad Electorem in præfato Monasterio agentem curru veheret, noctu interceptus, ac Bonam, postea ad Neostadiensem indeque demum ad Spilbergensem arcem in Moravia abduxit, ejus quoque Sorore Vienna excedere jussa, eoquod per Burmanum Coloniensem Secretarium clandestina cum Gallis consilia fovere deprehenderetur. Comperta Principis captivitate Galli violatum jus gentium vociferabantur, perinde ac si Fürstenbergius Gallici Legati auctoritate munitus fuisset: postquam

Tt 4

vero

Sæc. XVII vero Cæsarei milites quadraginta octo
 A. C. 1673. millia Imperialium, quos Franciæ Mi-
 nistri in vini adusti doliis ad fallendum
 inclusos ex Colonia evehi curabant,
 detecta fraude intercepterant, tum Gallia
 in rabiem acti Colonia una omnes ex-
 cessere, abrupta omni pacis concilian-
 dæ negotiatione: cum autem paulopost
 Angliæ Rex. Coloniensis Elector, &
 Monasteriensis Episcopus Gallos desti-
 tuissent, & Galli in Catalaunia ab Hi-
 spanis ingenti clade protriti fuissent,
 Ludovicus Rex sese ad pacis consilia
 faciliorem exhibebat.

§. LXXVII.

*Extrema Anglorum aversio in Ca-
tholicos.*

Salmon hist. Chron. d' Angl. t. 1. Thoiras hist. d' Angl. l. 23. Nunquam luculentius Angli Prote-
 stantes viperinum suum in Catho-
 licos, eorumque religionem odium,
 ac fanaticum suæ sectæ studium mani-
 festarunt, quam occasione Regiæ de-
 clarationis, qua Carolus II. Rex Pres-
 byterianos esse in sua secta tolerandos,
 & Catholicos innoxios in remuneratio-
 nem fidelitatis & obsequiorum, que
 oppresso ac exuli Regi ejusque Patri
 præstiterunt, magni beneficii loco a
 legum poenaliū barbarie immunes
 fore declarabat: Enimvero Angli ex
 omni